



梅垞詩鈔卷二

暨陽 蔣 燮 調元

北遊草

山東道中

亂山孤店記前程暮夜蕭條旅客驚
柝報寒更催月落馬駝殘夢踏霜行
晨風屢嘆征裘薄遠火猶沿土屋明
何處却來桑梓好

謂在平令
兪士元

攜厨載酒話鄉情

夜宿荏平晤表弟瞿六

捨攘風塵落日餘逢君此夕得眉舒
不堪北去頻攜手

相約南歸好寄書。慚謝三年金盡橐。殷勤一席酒傾壺。丈夫藏器終歸用。爲我臨風弔望諸。

登岱

神秀從來聚岱宗。天風浩蕩豁心胸。鬱葱一氣涵齊魯。襟帶諸山盡附庸。自古建邦稱作礪。羸秦封典濫加松。我來日觀窺瀛海。曉色猶留第一峯。

曉渡黃河

不信從天下。今當曉渡時。河流蟠地走。風力挾帆馳。樹轉凌淮甸。雲開見曙曦。長年相顧喜。雞黍賽神祠。

泊分水龍王廟

古廟臨江渚。丹青畫壁紛上流。爭一險到此。卽平分闔

集喧舟子回旋驗水紋。

廟前之水三分上北七分歸南舟人斷草十莖投之中流如數

逝分相羅拜祠去解纜及斜曛

雄縣阻雪

迢迢望雄縣。黑雲壓城缺解裝。旅店中日暮寒氣烈。破寂村醪醺燎衣薪火熱。健馬慘不驕。悒悒聽餘齧。昧旦戒僕夫。呵凍肌膚裂。何處是南關。漫天蔽風雪。

過沙隴

在直隸固安縣隴瀕海緣風沙積聚而成岡巒綿亘蹈之輒陷惟土人往來一逕可

過過此
爲黃村

海風吹沙沙作堆岡連嶺複何崔嵬黃雲蔽空色如赭
白日慘慘寒不開我僕旣痛我馬瘖百步一進空遲回
鞭長不及倦叱咤中途使我車輪摧吁嗟乎蜀道青天
猶可上灩澦白浪非難排惟有沙隴之險險于渡弱水
童山赤地不生草與萊岡阜突怒皆輕埃蹈之輒陷心
驚哀今我胡爲乎來哉土人引我出山峽陡見西山青
嶻嶭倚天拔地日邊來萬朶芙蓉馬頭插

涿州道中

我行涿州道驅車正夕曛征駝鳴古戍野燒入荒墳沙
暗城頭月笳吹隴首雲輪蹄何處息旅思亂紛紛

盧溝橋望月有懷

朗朗盧溝月今宵馬上看遙知香閣裏共此碧雲端音
信悲寥寂關山自苦寒鄉心常兀兀翹首古桑乾

晚渡揚子

毘陵朝解纜晚出潤州城雙島中流峙長天一覽晴雲
邊歸鳥細日脚去帆明蠹蠹危檣集舟人夜打鉦

曉次淮關

蓬底春寒峭孤暝酒不醒殘潮流客夢短棹落晨星水
國多舟市行程記驛亭曉關聞擊柝烟樹正青青

雪中舟次沽酒

泊舟臨古岸野曠寂無喧暮雪人投市孤燈犬吠村小
沽荒店酒不辨異方言篷底開樽酌居然挾纒溫

過梁山宿舊縣

迢遞梁山道崎嶇有百端途長憐馬瘦日落怯身單不
閱山川險安知行路難寒雞驚夢覺猶作故鄉看

渡永定河

蒼莽固安縣

河距固安十里

河干落日斜黑風旋怪水

河流鼓浪翻沙

刻無定形

白骨語飛沙問渡頻驚馬扶輪畏沒車

用十人扶輪過淺始

得相覷出坎陷今夜宿誰家

揚州雜詠

平山堂

淮南佳構蜀岡前競說風流太守賢瀟灑閒堂誰是主
平山一抹浸遙天

瓊花

草軟如茵翠滿陂春郊遊騎絡青絲尋常桃李都休問

梅堯詩金卷二
豔說瓊花只一枝

甍社湖

日暖風和甍社湖。暮春脩禊足清娛。流觴須待湖陰月。
燭水榮光看夜珠。宋孫莘老家於湖陰夜坐聽明如畫見一大珠其光燭天是年莘老登第

五馬渡在儀真宣化鎮晉五王于此渡江

瓜步江空霽色開。石帆山湧小蓬萊。依微遠樹粘天水。
問渡曾經五馬來。

雷塘煬帝塚在此

幅巾顧影漫徘徊。鏡裏頭顱却自猜。寂寞雷塘荒塚畔。

畊夫拾得寶釵來。帝嘗攜宮人遊此後往往畊出寶釵

玉鈎斜戲馬臺下有路號玉鈎斜煬帝葬宮人處

參差城郭白雲遮。戲馬臺南賣酒家。笑指門前春草綠。
芳踪說是玉鈎斜。

文選樓

國家完好似金甌。跋足南來付逝流。贏得風騷作宗主。
至今文選尚名樓。

露筋祠

天光水影接參差。渺渺平湖落照時。何處孤舟夜吹笛。

風清月白露筋祠

紅橋

紅牆匝匝板橋西。渺渺晴波綠柳齊。最好暖風和日地。行人如蟻滿春堤。

揚子江中望金焦二山

解纜離京口中流。望渺然山根不插地。水面欲粘天。拜浪江豚立乘潮。日月旋惟愁。泊舟處。鼉鼓夜驚眠。

毘陵驛遲友人不至

舟次毘陵道。停橈古驛前。相期久不至。月上戍樓烟。

舟次平望

瓜蔓水平隄。舟行路欲迷。孤烟叢樹外。落日一峯低。人簇誅茆地。鴉翻種麥畦。川原平遠處。風景似耶溪。

宿泰山下曉發

不寐時聞漏。加餐中夜興。嚴裝催倦僕。呵凍踏層冰。虎跡荒村雪。雞聲破屋燈。前途方出險。翹首日東昇。

過滕文公祠

策士傾危日。羣雄戰鬪年。幾人聞性善。世子克師賢。碑記高原上。叢祠古驛前。上宮何處是。遙指夕陽邊。

過滕文公行井田處

阡陌西秦壤憑誰問井田畫疆陳大畧名世有高賢遂
使軒黃舊猶存壤地偏川原相錯處經界想當年

舟次無錫晚眺

慧山泉水好落日放船行水滿常浮屋山青不上城無錫

繞城諸山低如土阜抱林帶水掩映如畫芊芊江樹秀漠漠夕烟生悵望遙

天末蕭然羈旅情

渡揚子

挂席凌揚子風烟望裏收江深鼉鼓浪天濶雁書秋對

月遙聞笛何人獨倚樓迷離雲樹外漁火認瓜州

舟次寒山

蒼茫烟水際料峭朔風前山隱鳴鐘寺鴉翻欲雪天行
沾喧賈客小聚泊江船漸覺鄉音熟關河落照邊

北歸將抵家舟中曉望

喔喔雞鳴曉江村八九家落帆投岸火炊飯泊蘆花天
迴山吞月灘虛水嚼沙模糊認鄉樹腸斷碧雲遮

早行

野田下白露宵光尚沉晦客行不厭早嚴裝已束載娟

娟月銜山潺潺水鳴埭望見叢葦間牧童夢牛背

北行雜咏

辭行

握手辭親故怱怱賦北遊束裝期旦夕把酒話綢繆逆
旅風吹面關山雪打頭苦寒曾記取指日製征裘

僱船

渡江離緒悄回首越山多造次投俞店

吾越八車僱船
多寓武林俞店

舟船趁上河過塘朝解纜放聞夜鳴鑼漸入三吳地高
眠聽棹歌

出關

烟水杳無際飄然離故鄉戍樓鳴鼓角關隘控淮揚地
迴饒都會天低入莽蒼艤艫鱗次泊歷歷認帆檣

渡河

一水同衣帶

時黃營水乾
河流如帶

栖栖問渡忙濁流蛇赴壑過

客蟻緣牆迎面墟烟黑漫天落日黃回頭指吳會雲樹
正青蒼

黃營僱車

驛亭輪鞅集地入古黃營登陸從茲始開單另記程掌

鞭催夙駕班馬有離聲差喜同袍聚聯鑣一隊行

打尖

日間村落買餐俗謂之打尖

垢面衝寒出

逆旅早起常禁盥洗

行行曉霧中漸看茅店白遙指

酒旗紅湯餅成驢磨薪柴拾馬通攤錢聊一飽差勝腹

空空

打店

傍晚看店住宿俗謂之打店

已作萍浮海翻同鳥擇枝奪門資幹僕標幟認懸旗

看店

定者則插一小旗以誌識認

土炕終宵煖輕裝一夕移戒心猶耿耿

數問夜何其

早起

寒衾和夢捲席煖不須臾喚起從雞唱催裝聽僕呼曉

星明破壁疲馬戀殘芻整轡休教緩前旌已早驅

媳婦兒

紅粧出土屋歌韻繞柴荆倚市同魚貫鳴箏便目成村

醪娛短燭客夢戀殘更何處消人意扶車送曉行

轅燈

廣路三條暗孤轅寸燭光錯疑茅店月映徹板橋霜野

宿資防衛宵征藉啓行照將殘夢去不入黑甜鄉

馬頭鈴

小具鸞和節丁東驛路隈非關鳴中律不作騎銜枚猛
協霜蹄疾遙隣畫角哀棧邊終夜響長使客魂猜

過梁山

策馬梁山道勞勞困一鞭單車無並軌深塹不留天曲
屈層崖裏蒼黃暮景前崇岡遺古廟山有冉子伯牛祠瞻拜息
行肩

京城坊店

幾曾遊北里慣住是南城舊館容投轄勞心免曳旌亦

嫌隣市鬧猶愛占牕明拂拭攤書坐依然一短檠

拜客

昔時曾握手異地歎飛蓬跡似雲泥隔交猶臭味同書
名投寸紙到處認衎衎千里三年別相逢一笑中

鄉祠團拜

鷓鴣行中客枌榆社裏人舞筵陳水陸情話儼姻親爲
記科名盛重增齒錄新公車集鄉祠必刻齒錄達尊原有屬團拜

率天真

宿泰安旅店飲大醉是問去日觀峯僅四十里乃

泰山極高處也酒醒作此

爛醉名山倒瓦瓶長風吹夢入青冥身騎鵬背騰瀛海
袖拂天門落酒星睡去華胥雲作壘醒來岱嶽翠爲屏
百年非永宵非短始信乾坤是旅亭

外孫瞿金辰

男

赤城

書城

校字

龍城

金城

梅坨詩鈔卷三

暨陽

蔣

燮

調元

括蒼集

甲子冬初至麗水

樺木無餘竹滿蹊樺山清署舊標題開牕惟見山重疊

指點南明在竹西

南明白雲二山爲
括蒼一郡之勝

期逢三七市方成大府門前貨擔盈時買黃柑充客饌
希逢菜把供門生

山阿窈窕亦瓊瓏合抱堂基彩翠中

學署建樺山之麓
林嵐掩映最爲幽

勝過客光陰暫留此人生原似雪泥鴻

送沈秋塘品蓮赴試禮闈時為括州司訓

相逢纔把袂餞別忽驚心以我論交淺變攝鐸麗陽始識秋塘多

君氣誼深三冬黃葉路千里碧雲岑揮手從茲去春風

聽捷音

處州雜詩

西接巖泉東夏河括蒼風物竟云何山腰綠畝魚鱗細

田繞山上下郭外青山櫛比多墟市紛紛惟貿粟官衙細如魚鱗

寂寂可張羅津亭賴有甌江船十月黃魚喚賣過

曲麟洲廼偉都闈招飲署中時雲崖郡伯鄒戟門

明府張荔園廣文陳芥軒贊府俱在座

相逢下馬一開顏共識將軍禮數嫻有約頻來惟命酒

屢看不厭是名山曲署在萬象山麓愧無儀從陪官樣喜對雲

亭遠市闌山有一覽亭為括蒼名勝日落醉歸人影散戟門深鎖暮

禽還

家書久不至夜坐達旦

佇望音書至音書轉寂寥乍疑因事阻而况故山遙夜

為懷人永燈緣坐久挑老鴉啼徹曙殘月下松寮

時雲崖郡伯以書畫贈行書以誌感郡伯兼善書畫

五馬臨蒼甸時勞問俗車仁風揚坐嘯藝事出公餘禮

下開清讌辭行愧散樗頒來雙墨妙光映勝瓊琚

舟行桐廬過嚴子陵祠

夙志嚴陵勝今來釣渚前兩山排壁壘十里鎖江天隱

跡人寰絕高風奕世傳叢祠輝映處時泊下灘船時新修嚴

先生祠堂

自嘲

一牕昏曉認之無自笑殘年老更迂詩屢增刪牋覆背

文逢欣賞墨添朱閒尋客話徵前史小摘佳言揭坐隅
此是齋頭生活計向來壯志本非吾

題畫

誰從鳥道着山樓峭壁嶙峋俯碧流有客攜琴來澗曲
冷烟疎樹譜殘秋

即景

小立齋扉聊倚杖郊原彌望盡寒蕪數邨烟火駢闐處
一幅朱陳嫁娶圖社鼓碎甸鳴委巷牛欄報賽譜康衢
憑誰繪出

昇平景着我窮簷老腐儒

懷亡友石大 啓賢

憶昔相徵逐分牋怵我先

予髫年學詩與從兄松厂太史石子啓賢花晨月夕拈韻

分牋無竹牕花榭處 棋雨酒燈天及爾同銷暇於今不

計年白楊荒草路何處哭重泉

石子少不讀書隱市肆間而出語有天然湊泊之趣嘗憶其咏漁父有一曲滄浪歸去也淡烟疎雨蓼花

洲之句

題明妃出塞圖

傀儡一笑闕氏愁竒計肇自由曲逆侯後來和親本此策

婁敬竊之成廟謀漢家故事有如此貢媚不惜蛾眉羞
遂令絕代之色淪異域青青一塚留荒邱我觀此圖三
嘆息非重胭脂好顏色天生美麗不求炫媚嬋風姿有
勁質總使君王有賜金不向庸工買刀筆亦如正士遠
權貴肯附夤緣辭屏黜至今繪作出塞圖去國孤臣等
悽惻貂襦玉貌慘不舒立馬踟躕戀城闕吁嗟毛氏之
子誠可誅將妍作媿仙凡殊後人何處得稿本試問此
圖似也無

七里寺 在東陽縣

入門先見碧琅玕
梵宇深深古木攢
七里烟嵐塵境遠
一庭空翠夕陽寒
何緣卜築分隣住
長此青山到座看
繞樹鴉歸催客去
幾回翹首聽鐘殘

處州雜詩

萬象山碑亭

碑鐫趙文敏書

萬象此包涵
茲亭非云隘
山僧持楮墨
登登搨碑賣
一覽亭

鄉國今何處
蕭然坐此間
峯嵐生峭處
錯認越州山

釋山

唐李鄴侯建州學故址今爲麗水學宮韓昌黎撰碑

鄴侯今不見
茲山長若斯
猶餘韓筆在
蒼蘚蝕龍螭

秦淮海祠

詞苑風流客
蒼山監酒行
至今留廟祀
珍重黨人名

周孝童墓

孝童名智七歲廬墓有紫芝一莖七葉之祥墓在釋山之麓

竒踪表七齡
蓬顆留巖側
熒熒孺慕子
哀哀孝思則

白雲山

雲來山容白
雲去山浮翠
日落暮樵歸
鐘鳴白雲寺

巾山

巖壑爭竒峭
巾山端正容
蓮城山八百
弁冕冠羣峯

括蒼行

將至麗水宿巖泉作

朝見括蒼山暮見括蒼山朝行暮宿括蒼下嵐光合沓
空濛間宿雲片片風吹落舉頭忽見烟中郭千山圍合
如大環萬井鱗鱗點叢薄山店美人玉指織杏花一枝
紅壓檐舉杯引滿勸客飲山醪新釀如蜜甜坐久促裝
命儔侶輿夫醉歌雜嚙語足繭千山犖塉中荒荒日落
忘脩阻

登括蒼城樓

浮雲載山山欲行山根插雲雲送迎括蒼之山千萬態

鉅角盡挫無崢嶸我來山城一登眺指點莫辨羣峯名
須臾混茫涵一氣丹崖翠嶠重岡複嶺琳宮梵宇一一
俱包并山入亂雲雲化霧雲耶霧耶但覺靈氣往來變
幻出沒而縱橫有若銀濤中飛來縹渺之蓬瀛又如觀
海市山爲樓閣空中成鷲地長風起天末纖翳四捲羣
峯清蒼翠疊疊間磽秃妍媸畢見無遜情山靈自怪失
眞面迅掃氛垢如解醒昔我北行泰山道瘦馬踏月窮
殘更翠黛橫空十八蟠包絡齊魯藏都城會登日觀瞰
滄海馬頭滾滾層雲生惟南有衡西有華北恒嵩嶽同

齊盟俯視諸山部，婁耳括蒼羅。浮真童嬰惟時苦，寒征
裘薄履險復防車輪。傾曉行昏宿，冒霜雪縮頸不辨天。
陰晴雲山佳處，瞥眼過僕。痛馬瘖貪兼程，今來飽吃處。
州飯羈勒脫盡無塵纓，拄笏看山猶不足。凌晨杖策春
衫輕，獨立城頭久延佇。皎皎旭日懸銅鉦。

括州歲暮卽事寄鄉園諸兄弟

梅花又放隴頭枝，思發花前計日遲。宦跡萬重山僻處，
鄉心數點柝殘時。閑中好事詩頻改，客裏光陰酒不辭。
幾度思君君不見，如何動是隔年期。

公解蕭然景物清，一聲爆竹舊符更。時逢改歲思鄉里，
人到衰年戀弟兄。灌木長堤昌堰水，昌堰爲吾鄉蓄亂水灌禾苗之處亂

山殘雪括蒼城，何時淺碧斟家釀。共話南明羈客情，
署中有談西湖之勝者，因追憶舊游賦此。

漫說西湖好，曾流罨畫船。花濃歌扇地，風軟柳絲天。舊
跡如春夢，韶華憶昔年。只今山僻處，日夜聽啼鵑。

客去卽事

客去三春暮，幽齋勝事饒。掃花留蟻穴，汲水得魚苗。是
處涵生意，閒中慰寂寥。隣僧分菊種，冒雨叩松寮。

雨後靜觀軒晚眺一首柬朱嬾全同年

循除流水響潺潺砌畔新篁盡脫斑積雨乍晴烟繞郭
昏鴉未到日銜山擾人愁思渾無賴好景鈎留及此間
寄語槐西清署客吟成叩鉢莫隣慳

歲暮書懷處州作

征車剛卸逼殘年來此山城雨雪天悞狗浮名思薄宦
飽嘗世味欲參禪幸無手版勞形苦自覺雲山到處便
預借西隣紅叱撥

曲麟洲都閩有借馬游山之約

尋春須及嶺梅先

妻子至署作

正爾思家切何期忽至前挈孩來遠道念我是衰年自
笑無竒字深慚負俸錢况添妻子累朝夕繼薪餽

寅友沈劍知

雄飛

無官署捐俸建脩談及署中窘

况有感賦此

諸公臺省盛而我一甌寒娛老無長策同君作此官庇
難逢廣廈身豈誤儒冠差勝風塵吏郵亭日據鞍

雲崖郡伯招飲爲端木孝廉

國瑚

餞行卽席有感

時端木將赴試禮闈

年來無夢賦長楊猛聽驪駒欲斷腸寶瑟不彈巴里曲

征裘空冷薊門霜舊交歷數晨星少借計頻仍鬢髮蒼
今日臨觴陪祖餞羨他猶是少年場

乙丑季春將解任旋里需次即事感懷留別括州

寅友暨麗邑諸文學

叨陪杖履得追尋把臂何緣幸入林好句羨君詩有畫

洪爐點我鐵成金拙稿多就先生點定雪中鴻爪無留跡予于去冬抵麗

春季告歸室有蘭言自愜心時餞別蘭心堂滿眼鶯花徵酒處驪歌

忘是別離音留別張荔園同寅

憶昔偕君賦鹿鳴予與朱嬾全壬子同舉孝廉燕山聯轡入春明十

年不見空勞想此日重逢倍繫情何意相看皆老大翻

同年見問年庚我行當去君留此麗水灘頭遞送迎留別

朱嬾全同年

藝苑馳名老斲輪忘年奚啻弟兄親細談衷曲心期古

密邇衙齋剝啄頻伴食我同不速客問途君是過來人

時與劍知同任麗學事雪來柳往如彈指回首蒼山一愴神留別沈劍

寅知同

暫棲菽署日駸駸忘却霜華兩鬢侵細雨落花搜句苦

亂山叢樹閉門深已拚歲月隨流水賴有良朋慶盍簪

奚止平原十日好綢繆情話樂開襟

平仲深深叫子規棟花風起指征期九年偕計仍彈鋏

五月閒官似奕棋浦水春波同聚散屋梁月落定相思

比隣共結天涯裏漫擬臨觴訴別離

二首留別麗水諸文學

歸期阻雨撥悶一首

花落催春去空齋鶯亂啼東裝聊草草對雨轉淒淒徒
有妻帑累并無琴鶴攜門生陳祖餞拚飲醉如泥

縉雲道中

颯颯風驚樹渾疑虎欲行亂山啼怪鳥殘月墮荒城觸

景增離緒單車事遠征寸心輸不盡歷歷故鄉情

舟行七里街

茲峽環七里澄江如帶束迢遞入桐廬一里數圍曲山
谷藏諸村村村抱寒綠水木漾清輝曛曛照晴旭寧論

風有無

諺云有風七里無風七十里

溯游未云足令人懷考槃永矢

慎弗告

富春舟中

昨宿嚴陵灘今來富春郭殘月漾迴潮曉風吹綠壑童
稚聚一舟客次無離索烟中人語喧驚起沙洲鶴

泊舟富春江閣下憶亡友胡又廬廣文亮

憶昔游富春嗣將赴京洛故人留我飯相送臨江閣溪

山攬幽勝夙有探梅約時有嚴陵灘看梅之約人事閱蹉跎此意

竟違錯旋驚玉樹摧音容久寂寞泊舟江閣下惟聞風

鳴鐸

哭亡友王十二紺園孝廉紹興

舊交零落嘆無餘知愛如君更愴予薄宦十年沉海嶠

歸來半載鬻田廬經時始覺驚垂死遠道何由一報書

聞道室遺丹竈在可能騎鶴上清虛聞紺園暮年行運氣術以此得疾

豐碑

豐碑樹道旁屹立如山岳上載生卒葬下詳年月朔姓

氏重珪璋門楣羅戟槩數十寒暑間光陰等飛電鄙儒

工諛墓詭詞逞高卓勲業伊呂儔文章鄒魯學行間盈

萬言煩文不厭數珉石細磨礱鐵筆工刻斲牧童不識

字硜硜礪牛角

由括蒼初抵舍作

乍見西垣筍含苞已出叢人歸巢燕後春老落花中薄

宦餘垂橐生涯嘆轉蓬緬懷送行侶翻覺念忡忡

晚飲二首

飲酒芳樹下值此晚景鮮惟時雨初霽綺霞媚遙天綠
陰延暝色孤花有餘妍團團竹林際啾啾宿鳥還啣杯
望墟里衡宇生炊烟

客冬我行役今夏征車還既欣塵鞅息愛此清和天濁
醪聊自進童稚盈我前桑果盛敷榮分甘摘餘鮮坐忘
日色暝三爵成頽然

閒居漫興

可堪五斗寄飄蓬壯不如人乃老窮沽酒昔經屠狗市

狂歌今學飯牛翁

鄉先輩王竹齋先生
晚年自號飯牛翁

掃除一室蠹牕

白睡起三竿海日紅自笑蹉跎閒歲月惟將晴雨卜年

豐

辛西南歸途中口占舊作

連朝泥濘雨初乾四月風光尚沍寒佳節每從羈旅度
名山多向馬頭看三千里外雙蓬鬢五十年華一冷官
是處旗亭堪貰酒楊花滾滾落征鞍

登北固山眺京口懷古舊作

塹險惟天設江流界地長三山圍鐵甕一面固金湯吳

會稱佳麗青徐入莽蒼憑高多古意不盡暮雲黃

桃源洞

桃花開晉代日月闕素餘彷彿真仙境傳聞自老漁不知避亂處可有未燒書恨煞武陵叟空尋洞裏居

外孫瞿金辰

男

赤城

書城

校字

龍城

金城

